





皇明同姓諸王傳序

明興同姓鮮少所謂廟祔十五王
是時開基江左去塞萬里近亦數
咸陽詔遷汴邑然時有未遑議遂中



高皇帝驅胡出塞復我中華經始慮終防胡爲急
於是大啓宗封錯布萬國擇選諸子周匝三垂
文皇英略蓋世開府北平天險地利甲於諸藩北
平以東歷漁陽盧龍出喜峰包大寧控葆塞山戎
爲寧王度榆關跨遼東西並海被朝鮮聯開原交
市東北諸夷爲遼王北平西接古北口瀕於雍河

中更上谷雲中鞏居庸蔽鴈門爲谷代王鴈門之
南太原其都會也表裏河山爲晉土逾河而西歷
延慶韋靈又逾河北保寧夏倚賀蘭爲慶王兼殺
隴之險周秦都圻之地牧坳之野直走金城爲秦
王金城西渡河領張掖酒泉諸郡西扃嘉峪護西
域諸國爲肅王此九王者皆近塞下以故城郭富
於曹滕兵車雄於魯衛莫不傳以元侯翊以宿將
權崇制命勢匹撫軍肅清沙漠則壘帳相望締好
宗潢則輶輪不絕若乃周楚齊潭魯蜀諸王並列
內郡亦皆秉鉞麾旄部兵耀武蓋草昧利於建侯

板蕩維於宗子斟酌周漢而衣食於縣官寧有尾
末之憂懲創宋唐而綴旒於下國必無坑沉之禍
世平自足以展親時危不難於復振此思王之所
以控表宋侯之所以畫策者也迨其弊也盤石雖
堅髓髀莫解葉高進賈誼之策而齊黃竟晁錯之
謀凌逼旣深猜忤遂積建文數年間雉懼龍躍利
害相尋靖難以後矯枉鑒覆益篤因心驕恣復萌
稍申裁抑書勅再三規誨懇惻而齊谷不悛終負
私貸宣德初二叔不靖漢以義滅趙以恩完自是
以後天子攬綱結網彛臬日嚴一不律則奪祿

再不律則奪兵三不律則奪爵賢傳終老於梁園
懿親絕踪於魏闕即使力如晉鄭無假於勤周頑
如吳楚何緣而抗漢以故八十餘年間有園土之
收未聞甸師之戮至正德中寘鑄狂狡卒起窮邊
宸濠凶奸久窺神器不逾旬朔身殞國除
今皇帝峻德明倫每布詔令首念宗人諸王拱辰
宗海好禮樂善雖堯親九族周享萬邦曾何足云
夫聚人莫急於理財宜民莫大於通變洪武時親
王歲祿米五萬石他用亦不下萬石而吉凶之賜
不與焉

高皇帝約已裕人未幾即減六之一今載屬籍者
王二等將軍三等中尉三等主君五等若未名未
封疏庶人罪庶人蓋四萬有奇邸祿歲增民財日
窘至有共篷而居分餅而膳四旬而未婚十年而
不葬者矣嗟乎驕溢則橫而干紀窘困則濫而思
亂其爲禍一也而不早爲之所可乎略叙先朝典
制爲初王表二卷五太子七十七王五庶人傳三
卷明鑒戒焉

嘉靖甲子六月既望鄭曉識

皇明同姓表圖二

皇子桐

郢靖王

安惠王

韓憲王

岷莊王

慶靖王

肅莊王

湘獻王

魯荒王

潭王梓

楚昭王

成祖

秦愍王

懿太子

太祖

皇四子

漢庶人

仁宗

衛恭王

滕懷王

荆憲王

越靖王

鄭靖王

宣宗

景帝

英宗

懷獻太子

憲宗

慎恭太子

孝宗

蔚懷太子

武宗

晉恭王 趙簡王
 周定王 襄獻王
 齊廢人 淮靖王
 趙王杞 梁莊王
 蜀憲王
 代簡王
 遼簡王
 寧獻王
 谷庶人
 潘簡王
 唐定王
 伊厲王
 德莊王 睿宗
 皇三子 岐惠王
 許悼王 益王
 秀懷王 衡恭王
 崇簡王 雍靖王
 忻德王 壽王
 吉簡王 皇八子
 徽莊王 汝王
 涇簡王 榮王
 中懿王

皇明同姓表圖一

壽春王

德祖 懿祖 熙祖 仁祖
 安豐王 都梁王
 六安王 來安王
 英山王 寶應王
 霍丘王
 下蔡王
 蒙城王
 臨淮王 山陽王
 南昌王
 文正 靖江王守謙

軒哈平招信玉

太祖

同姓初王表上

吾學編第十二

號謚

子

都

祿

世

續封

秦愍王高貳

西安

萬石

世

晉恭王參

太原

萬石

世

周定王伍

杭州改開封

貳萬石

除

續封

楚昭王陸

武昌

萬石

世

齊庶人荼

青州

除

續封除

潭王捌

長沙

罪除

趙王玖

萬石

無子

魯荒王拾

兖州

萬石

世

蜀獻王拾壹	湘獻王拾貳	代簡王拾參	肅莊王拾肆	遼簡王拾伍	慶靖王拾陸	寧獻王拾柒	岷莊王拾捌	谷庶人拾玖	韓憲王貳拾
成都	荊州	大同	甘州 <small>徙蘭州</small>	廣寧 <small>徙荊州</small>	慶陽 <small>徙韋州</small> 又徙寧夏	大寧 <small>徙南昌</small>	岷州 <small>徙雲南</small> 又徙武崗	宣德 <small>徙長沙</small>	開原 <small>改平涼</small>
萬石	陸千石	千石	千石	貳千石	萬石	萬石	千五百石	除	參千石
世	除	世	世	世	世	逆除	除	除	世
	續封						續封	續封	

潘簡王貳拾壹	安惠王貳拾貳	唐定王貳拾叁	郢靖王貳拾肆	伊厲王貳拾伍	靖江王謙高從孫	虞懷王懿文子	吳王叁	衡王肆	徐王伍
潞安	平涼	南陽	安陸	河南	桂林		杭州	衡州	徐州
萬石	無子	伍千石	無子	貳千石	千石	無子	萬石	萬石	萬石
世	無子	世	無子	世	除	無子	革	革	革
					續封		改封	改封	改封

漢庶人文貳	趙簡王參	鄭靖王仁貳	蘄獻王參	越靖王肆	襄憲王伍	荆憲王陸	淮靖王柒	滕懷王捌	梁莊王玖
樂安	彰德	鳳翔 <small>改懷慶</small>			長沙 <small>改襄陽</small>	建昌 <small>改蘄州</small>	韶州 <small>徙饒州</small>		安陸
萬石	萬石	萬石	萬石	萬石	萬石	萬石	萬石	萬石	萬石
逆除	世	世	無子	無子	世	世	世	無子	無子

衛恭王拾	榮王英貳	許悼王參	德莊王肆	秀懷王伍	崇簡王陸	忻穆王柒	吉簡王捌	徽莊王玖	岐惠王憲肆
			濟南	汝寧	汝寧		長沙	鈞州	德安
萬石									
無子		無子	世	無子	世	無子	世	世	無子

陳南一百八十六

三

益王	伍	建昌	萬石	世
衡恭王	陸	青州	萬石	世
雍靖王	柒	衡州	萬石	無子
壽王	玖	保寧	萬石	世
		<small>改常德</small>		
汝王	拾	衛輝	萬石	世
涇簡王	拾壹	沂州	萬石	無子
榮莊王	拾貳	常德	萬石	世
申懿王	拾參	叙州	萬石	無子
蔚悼王	孝貳			無子
岳懷王	睿壹			無子
				表上終

同姓初王表下

吾學編第十三

府號	子	名	諡	世	進封
永興	愍貳	尚烈	簡懿	世	
保安	參	尚煜	懷僖	世	
興平	肆	尚焞	恭簡	世	
永壽	伍	尚烜	懷簡	世	
安定	陸	尚炘		罪除	
南渭	隱貳	志均	懷		嗣王
富平	參	志潔	康		嗣王
宜川	肆	志堦	莊靖	世	

寧化	永和	高平	慶成	平陽	鎮安	汧陽	臨潼
陸	伍	肆	叁	恭貳	惠壹	肆	康叁
濟煥	濟烺	濟燁	濟炫	濟熿	誠泳	公鏜	公銘
懿簡	昭定	懷簡	莊惠		簡	惠恭	惠簡
世	世	罪除		右秦府 罪除		世	世
					嗣王		嗣王

河東	徐溝	寧河	雲丘	臨泉	方山	西河	陽曲	交城	廣昌
叁	憲貳	捌	柒	陸	伍	肆	叁	定貳	柒
鍾鏞	鍾鐸	美埒	美堦	美塔	美垣	美埠	美堦	美垸	濟焞
昭靖	悼僖	康僖	簡靖	莊簡	莊憲	靖恭	榮靖	榮順	悼平
世		世				世	世		

太谷	義寧	河中	襄陰	新化	榮澤	靖安	安溪	旌德
肆	莊貳	叁	肆	靖貳	叁	肆	伍	陸
鍾鉉	奇洪	奇溶	奇澗	表棟	表檉	表秩	表柳	表楫
懷僖	榮康	悼懷	安惠	恭裕	安懿	端僖	懷僖	懷安
	世	世			世			
				嗣王				
								右晉府

汝南	順陽	祥符	新安	永寧	汝陽	鎮平	宜陽	遂平	封丘
定貳	叁	肆	伍	陸	柒	捌	玖	拾	拾壹
有勲	有烜	有燭	有燿	有光	有煊	有熿	有熈	有頰	有煜
悼和	懷莊	簡		靖僖	恭僖	恭靖	憲穆	悼恭	康惠
無子					無子		無子		
		嗣王							

河清	堵陽	臨湍	魯陽	上洛	沈丘	臨汝	汝陰	泌陽	義陽
柒	陸	伍	肆	叁	懿貳	拾叁	拾貳	拾壹	拾
同鑄	同鉉	同鈞	同銳	同錄	同鏃	子塿	子壅	子	子圪
昭	安僖	榮惠	恭惠	莊惠	榮戾	端懿	懷懿		康靖
							無子	無子	

羅山	內鄉	胙城	固始	通許	原武	鄆陵	河陰	項城	潁川
拾貳	拾叁	拾肆	拾伍	簡貳	叁	肆	伍	柒	玖
有燠	有爛	有燭	有	子陞	子峙	子壑	子壘	子堰	子墟
悼惠	恭莊	莊簡		懿	安懿	安僖	懷僖	恭和	溫僖
無子			無子					無子	
				嗣王					

新會	義寧	崇善	海陽	曲江	博平	汾西	魯山	信陵	邵陵
捌	惠肆	陸	柒	拾壹	拾叁	拾肆	拾柒	拾捌	拾玖
同鏘	安涖	安涖	安淦	安灤	安波	安漕	安深	安滓	安潤
恭簡	昭安	恭順	康隱	恭和	恭裕	靖安	康和	懿簡	恭順

萊陽	東會	富陽	會稽	浦江	應城	益陽	奉新	南陵	京山
貳拾	貳拾壹	貳拾貳	貳拾叁	貳拾肆	悼肆	伍	陸	玖	恭叁
安滴	安瀉	安濯	安滌	安涇	睦桎	睦楮	睦榴	睦模	勤炫
榮康	莊僖	昭穆	康敬	懷隱	恭穆	康定	榮憲	莊裕	温惠

華亭	寶坻	湯溪	瑞金	商城	柘城	修武	安吉	汝寧	彰德
肆	伍	陸	柒	捌	玖	拾	拾壹	拾貳	拾參
勤燠	勤炬	勤烜	勤煥	勤炆	勤炆	勤熒	勤爍	勤然	勤惇
榮安		榮憲	榮簡			康簡		端恪	

順慶	保寧
朝埴	朝堵
	恭簡

右周府

巴陵	永安	壽昌	崇陽	通山	通城	景陵
昭貳	叁	肆	伍	陸	柒	捌
孟熄	孟炯	孟焯	孟煒	孟燭	孟燦	孟炤
悼簡	懿簡	安僖	靖簡	靖恭	莊靖	順靖

岳陽	江夏	東安	大冶	保康	武岡	樂安	長山	平原
玖	拾	莊貳	叁	端貳	叁			
孟燿	孟炬	季塿	季塿	顯樟	顯槐	賢焜	賢焜	賢寔
悼惠	康靖	恭定	悼僖	榮靖		悼隱		
						罪除	罪除	罪除
						右楚府		

安丘	鄒平	鉅野	東阿	樂陵	東甌	郟城	館陶	翼城
靖貳	叁	肆	伍	陸	莊貳	叁	肆	伍
泰圻	泰塍	泰	泰壘	泰舉	當泚	當滋	當恣	當漚
靖恭	莊靖	僖順	端懿	恭惠	端肅	康僖	宣思	恭安
右齊府								

南川	通江	慶符	汶川	石泉	德陽	內江	黔江	羅江	永川	保寧	崇慶	崇寧	華陽	歸善	新蔡	高密	陽信	滋陽
肆	定貳	陸	伍	肆	叁	和貳	叁	悼莊貳	陸	伍	肆	叁	獻貳	拾	玖	捌	柒	陸
申鋸	申鑿	友堦	友塘	友墳	友城	友墻	友坵	友壩	悅熾	悅燿	悅焮	悅燻	悅燿	當互	當泮	當湄	當潛	當漬
安靖	惠	恭僖	懿簡	榮穆	僖安	莊懿	悼懷	僖	莊簡	和			悼隱		端穆	康穆	安僖	惠和
													右魯府					
	嗣王							嗣王										

同生力三下
一百五十一

右蜀府

廣靈

簡貳

遜焜

榮虛

潞城

叁

遜炘

僖順

山陰

肆

遜熾

康惠

襄垣

伍

遜燁

恭簡

靈丘

陸

遜烜

榮順

宣寧

柒

遜炆

靖莊

懷仁

捌

遜焯

榮定

隰川

玖

遜燿

懿安

昌化

戾貳

仕潭

溫憲

饒陽

隱貳

成鎔

悼昭

安定

叁

成鱗

悼隱

棗強

肆

成舒

靖安

吉陽

惠貳

聰注

恭順

溧陽

叁

聰

榮定

博野

肆

聰溱

端穆

和川

伍

聰潛

宣懿

寧津

陸

聰滴

懷莊

樂昌

柒

聰涓

康懿

進賢

思貳

俊積

莊惠

河內	懿貳	克熾	莊安				
富川	叁	克煜	悼定				
寶豐	肆	克炆	悼順				
碭山	伍	克刈	悼懷				
泰興		廷埼				右代府	
洵陽	康貳	祿埤	簡				嗣王
汾川	簡貳	貢鏜	恭				嗣王
淳化	恭貳	貞泓	端惠				
鉛山	叁	貞瀟	榮和				

金壇	肆	貞洵	恭裕				
會寧	伍	貞潤	莊惠				
延長	陸	貞澆					
遠安	簡貳	貴燮			右肅府		
巴東	叁	貴煊			罪除		
興山	肆	貴燮	肅				嗣王
潛山	伍	貴炆					
宜都	陸	貴燿					
松滋	柒	貴炆	安惠				

益陽	湘陰	衡陽	應山	宜城	枝江	沅陵	麻陽	衡山	蘄水
捌	玖	拾	拾壹	拾貳	拾叁	拾肆	拾伍	拾陸	拾柒
貴焯	貴焯	貴熙	貴燭						
安僖	安僖	莊和	悼恭	康簡	莊惠	恭憲	悼僖	恭惠	靖和

長陽	長垣	光澤	廣元	句容
肅貳	靖貳	惠貳	恭貳	莊貳
豪塢	恩鉀	寵滾	致樅	憲燭
昭和	恭順	榮端	康僖	

右遼府

嗣王

真寧	靖寧	安化	岐山
靖貳	叁	肆	伍
秩熒	秩	秩焯	秩煉
莊惠		惠懿	悼莊

江陵	簡壹	彦汰							
南安	貳	彦泥						罪除	嗣王
南豐	叁	彦激							
黎山	肆	彦澳	康靖						
善化		譽桔	康簡						
建德		譽槌	榮安						
漢川		譽榛							
長壽		譽楮							
遂安		譽檉							
右岷府									

臨川	獻貳	盤輝	康僖	罪除
宜春	叁	盤姚	安簡	逆除
新昌	肆	盤炷	安僖	
信豐	伍	盤煖	悼惠	
弋陽	惠貳	奠壑	惠和	
樂安	叁	奠壘	昭定	
瑞昌	肆	奠墀	恭僖	
石城	伍	奠堵	恭靖	
建安	靖貳	觀鍊	簡定	
鍾陵	叁	觀錐		

唐山	永年	西陽	靈川	宜山	宿遷	吳江	定陶	雲和	福山
捌	玖	莊壹	貳	叁	肆	伍	陸	柒	恭
幼墻	幼塏	詮鈺	詮鈔	詮鏞	詮鏞	詮鑑	詮鑰	詮鑰	助泚
悼僖	榮安	恭	榮懿	康僖	榮簡	昭和	恭靖		恭和
			<small>安改</small>						
	嗣王	嗣王							嗣王

右藩府

新野	舞陽	三城	新城	承休	湯陰	潁昌	文城	浙陽
定叁	憲貳	叁	肆	伍	陸	莊壹	貳	叁
瓊輝	芝址	芝境	芝	芝琅	芝坑	彌錡	彌鉗	彌鏟
悼懷	莊	康穆		榮和	昭安	成	恭靖	温僖
	嗣王					嗣王	嗣王	

鄆城	肆	彌銀	恭端
衛輝	伍	彌銷	恭懿

右唐府

上洛	簡壹	勉渥	安	嗣王
----	----	----	---	----

光陽	貳	勉	
----	---	---	--

郟城	安貳	諛鏗	定	嗣王
----	----	----	---	----

方城	叁	諛鏹	懷僖
----	---	----	----

西鄂	肆	諛缺	安僖
----	---	----	----

濟源	定貳	諛淳		嗣王
----	----	----	--	----

萬安	貳	典欝	康懿
----	---	----	----

濟陽	庶叁	瞻塗	逆除	右伊府
----	----	----	----	-----

臨淄	肆	瞻域	逆除
----	---	----	----

昌樂	伍	瞻埤	逆除
----	---	----	----

淄川	陸	瞻澤	逆除
----	---	----	----

齊東	柒	瞻坪	逆除
----	---	----	----

任城	捌	瞻塢	逆除
----	---	----	----

海豐	玖	瞻塢	逆除
----	---	----	----

新泰	拾	瞻邨	逆除
----	---	----	----

右漢府

永豐	清江	南康	德興	順昌	崇安	高安	上饒	吉安	廣信
叁	康貳	叁	肆	伍	陸	莊貳	叁	肆	伍
祁鉞	見澱	見浚	見澗	見渾	見洵	厚炁	厚燭	厚燔	厚煤
恭和	端裕	莊惠	莊僖	恭懿	榮穆	恭僖		肅簡	
	嗣王								

右淮府

泰安	濟寧	東平	歷城	臨朐	高唐	臨清	寧海
莊貳	叁	懿貳	叁	肆	伍	懷	
祐棣	祐榑	厚燉	厚燭	厚燧	厚爛	載堦	載圻
恭簡	安僖	懷順	榮和	榮簡	悼僖	恭和	

右德府

德平 榮陽

載堞 載堦

右徽府

崇仁

厚炫

金溪

厚煌

莊惠

玉山

厚燠

恭靖

右益府

江華

恭壹

厚燾

嗣王

玉田

貳

厚煙

懷簡

新樂

叁

厚嫌

端惠

高唐

肆

厚煥

齊東

伍

厚炳

溫惠

邵陵

陸

厚燿

右衡府

福寧

莊貳

厚熹

懷僖

惠安

叁

厚煦

康和

永春

肆

厚烈

富城

伍

厚然

貴溪

陸

厚魚

右榮府

列生力三下

三

刘

二百二十

皇明同姓初王表下卷終

萬曆乙未重校

皇明同姓諸王傳第一卷

吾學編第十四

海鹽鄭曉

吳元年冬 上念七子漸長宜習勞令內侍製麻
屨行滕凡出城稍遠馬行十七步十三洪武二年
設王相府是年令博士孔克仁授諸子經三年封
諸子王詔曰朕荷天地百神之佑祖宗之靈當羣
雄鼎沸之秋奮興淮右賴將帥宣力創業江左曩
者命大將軍徐達總率諸將以定中原不二年間
海宇肅清虜遁沙漠大統既正黎庶靖安欲先論
武功以行爵賞緣土番之境未入版圖今年春復

命徐達等西征是以報功之事未及舉行朕聞昔帝王適子正儲位衆子封王朕今有子十人卽位之初已立長子標爲皇太子諸子之封本待報賞功臣之後然尊卑之分所宜早定乃以四月七日封第二子樸爲秦王次桐晉王次燕王次櫛吳王次楨楚王次樽齊王次樟潭王次杞趙王次檀魯王姪孫守謙靖江王皆授以冊寶設置相傳官屬及諸禮儀已有定制於戲奉天法古實爲生民明此彝倫非文武賢能三軍用命江左人民之助何以致此尚賴各盡心力以成治功六年春賜

諸王昭鑑錄又賜祖訓錄令書殿中宮中八年初定諸王宗人祿米每歲親王五萬石鈔錦紵絲紗羅絹布綿鹽茶粟又萬計靖江王二萬石郡王六千石鈔等減十九郡王諸子年十五人賜田六十頃爲永業除其租是年定王邸殿門名九年中書省議親王宮飾彩上曰惟儉養德惟侈蕩心居上能儉可以導俗居上而侈必至厲民獨不見茅茨卑宮堯禹以崇聖德阿房西苑秦隋以失人心諸子方及冠年去朕左右豈可使靡麗蕩其心是年申定王府官制語在百官述中再定諸王及公

主歲供之等秦晉燕王將之國 上令辭皇陵曰
若等觀祖宗肇基之地當知王業艱難又命皇太
子率三王祭開國功臣然後行會星變求言平遙
訓導葉伯臣應詔上萬言書言分封太侈用刑太
煩求治太速其論分封曰主上有天下掃除羣雄
如蹈草莽包絡豪傑如臂使指公卿大臣數十萬
衆戰勝攻取者一介使召拱手聽命無敢後時况
敢有抗衡者乎傳曰都城過百雉國之害也先王
之制大都不過三國之一中五之一小九之一蓋
強幹弱枝遏亂原崇治本也國家裂土分封諸王

各有分地以樹藩屏復古制蓋懲宋元孤立宗室
不競之弊然秦晉燕齊梁楚吳閩諸國各盡其地
而封之都城宮室之制廣狹大小亞於天子之都
賜以甲兵衛士之盛恐數世之後尾大不掉然後
削其地而奪之權則起其怨如漢七國晉諸王各
恃險爭衡擁衆入朝甚則緣間而起防之無及也
議者曰諸王皆天子親子皇太子親骨肉所謂盤
石之宗天下服其強耳禮莫大於分使王侯之國
與京畿同則爲列國矣尚有君臣之分乎今秦晉
燕齊梁楚吳閩諸國連帶數十城而復優之以制

三
三
三

主歲供之等秦晉燕王將之國 上今辭皇陵曰
若等觀祖宗肇基之地當知王業艱難又命皇太
子率三王祭開國功臣然後行會星變求言平遙
訓導葉伯臣應詔上萬言書言分封太侈用刑太
煩求治太速其論分封曰主上有天下掃除羣雄
如踣草莽包絡豪傑如臂使指公卿大臣數十萬
衆戰勝攻取者一介使召拱手聽命無敢後時况
敢有抗衡者乎傳曰都城過百雉國之害也先王
之制大都不過三國之一中五之一小九之一蓋
強幹弱枝遏亂原崇治本也國家裂土分封諸王

各有分地以樹藩屏復古制蓋懲宋元孤立宗室
不競之弊然秦晉燕齊梁楚吳閩諸國各盡其地
而封之都城宮室之制廣狹大小亞於天子之都
賜以甲兵衛士之盛恐數世之後尾大不掉然後
削其地而奪之權則起其怨如漢七國晉諸王否
恃險爭衡擁衆入朝甚則緣間而起防之無及也
議者曰諸王皆天子親子皇太子親骨肉所謂盤
石之宗天下服其強耳禮莫大於分使王侯之國
與京畿同則爲列國矣尚有君臣之分乎今秦晉
燕齊梁楚吳閩諸國連帶數十城而復優之以制

假之以兵何不撫漢晉事觀之乎景帝高帝孫也
七國諸王皆景帝同祖父兄弟子孫也一削其地
遽構兵西向晉諸王皆武帝親子孫也易世後迭
相擁兵以危王室遂成五胡雲擾之患分封踰制
禍患立生援古證今昭昭然矣昔賈誼勸漢文帝
早分諸國地空之以待諸王子孫謂力少易使義
國小無邪心使帝盡從誼言必無七國禍願及諸
王未之國之先節其都邑之制減其衛兵限其疆
理亦以待封諸王之子孫此制一定然後諸王有
聖賢德行者入爲輔相其餘世爲藩輔可以與國

同休世世無窮矣 上大怒曰小子敢間吾骨肉
吾見且切齒可使吾兒見乎速取來吾將手射之
且啖其肉逮至瘦死刑部獄十九年冬詔王國慶
賀惟國城官致禮在外文武官不得赴府賀有事
遣人啓聞不得遣將官二十年秋詔給親王歲祿
五萬石停茶鹽布絮勿給二十六年賜諸王永鑑
錄二十八年八月更定宗人封爵冊寶之制親王
金冊金寶王妃金冊無寶皇太子之庶子年十歲
封郡王塗金銀冊銀印親王嫡長子年十歲封王
世子塗金銀冊銀印庶子年十歲封郡王冊印亦

如之凡王世子必以適長以庶奪適降庶人重則遠竄王年三十妃未有子庶子止封郡王俟王與妃年至五十無適子始封庶長子爲王世子凡嗣封受封納妃朝廷遣使行冊命禮郡王次子授鎮國次孫輔國次曾孫奉國皆將軍凡三等次玄孫等親王女曰郡主郡王女縣主郡王孫女郡君郡王曾孫女縣君郡王玄孫女鄉君凡五等靖江王府視郡王降一等宗人有文武才能堪任用者宗人府名聞考驗陞轉如常選法有犯宗人府訊聞

量罪降等重斥爲庶人罰而不刑責先是 上謂戶部尚書郁新曰朕今子孫衆盛原定親王歲祿萬五萬石今天下官吏軍士多俸給彌廣其斟酌古今稍節減以資乏用至是上議更定親王歲祿萬石郡王三千石鎮國將軍一千石輔國奉國將軍六百石鎮國中尉四百石輔國中尉三百石奉國中尉二百石公主及駙馬二千石郡主及儀賓八百石縣主及儀賓六百石郡君及儀賓四百石縣君鄉君次減一百石皇太子庶子旣封郡王俟出閣歲賜如親王子封郡王者女俟嫁歲賜如親王

女已嫁者卽王子嗣郡王者比始封郡王減半祿是時重定祖訓錄名 皇明祖訓遣使召諸王至京諭減祿之故賜 皇明祖訓九月新言親王歲米既有定議請令有司如數給之 上曰晉燕楚蜀湘府給如數代肅遼慶寧谷府遠在邊民少賦薄歲且給五百石齊府千石嗣秦王幼應用米有司月進其罷給及多寡異者並出一時權制云十月製二十字命名詩登玉牒三十年勅遼寧諸王據邊場孳牧勿侵民田是年令王府官不得三六九年考覈建文卽位詔王國所在惟國事聽王文

武吏士聽朝廷王不得節制永樂二年諭天下諸司事關王府遵祖訓啓王有司合行事務不許槩啓若王府事馳奏不待報輒行者重罪論三年五月 上以代寧秦晉諸王屢驕恣怨謗賜書戒飭諸宗人宣德元年定將軍主君儀賓品級冠服儀式王府官不得外調陞不知起於何時或曰靖難後事也然宣德中周忱以越府長史陞侍郎巡撫江南鄭府長史王淪改行在戶部郎中洪熙中淮府長史王榮改吏科左給事中荆府長史曹曼齡改翰林修撰矣嘉靖八年大學士楊一清言楊士

竒以審理副選翰林編修周忱亦自長史累陞尚書成化年雷霖以德府長史爲山西提學副使又言布政使雍泰秦府有姻亦陞巡撫都御史乞容王官與別官一體陞用王親亦選京官吏部議此祖宗微意如近年江西婁性足爲監戒况王親縱不得京任得仕至左右布政使官與尚書等使非區區自懷重內輕外之心則展布才猷亦足自見一清請再議吏部執不可二十二年蜀府長史高鵬九年考滿至吏部吏部請奪職遂請王府官凡稱病乞改用者並勒致仕輔導失職調者不得授

府州縣親民官時陝西山西河南湖廣積欠王祿百數十萬有司不能給宗人輒告飢譁有司有司或杜門或逾墻走每下詔卽念宗人歲祿顧歲祿百倍洪武時有司竟不能給初制定親王歲祿萬石惟肅岷府千石正統初岷府加二百石後加三百石伊遼府二千石韓府三千石唐府五千石代府六千石郡王將軍中尉儀賓之祿幾千倍於國初於是宗人有上言願停祿如唐宋故事得應舉效用者有請田力耕自養者竟莫敢決宗人有罪者錮高墻高墻在中都凡先後入高墻者男女且

千人嘉靖四年釋二百九十人十二年釋十三人
十三年又釋三十八人十八年又釋四十五人傳
還原邸給薪水自便

廟祔十五王

廟祔十五王初從祀四祖廟東廡壽春下蔡南昌
盱眙寶應來山英山昭信凡八王西霍丘安豐蒙
城臨淮六安都梁山陽凡七王熙祖皇后生仁祖
及壽春王仁祖陳后生南昌盱眙臨淮三王三王
皆高帝同母兄也十五王惟壽春盱眙霍丘安豐
蒙城臨淮六妃配食南昌王者文正父也妃王氏

祔葬皇陵不入配正德中御史徐文華言族無後
者祭終兄弟之孫之身今太廟配享諸王未審於
高皇何親大抵非兄弟卽伯叔至於今五世六世
矣禮宜祧禮官議不從嘉靖中建九廟東西廡配
如故九廟災復同堂異室之制祔十五王於兩序
先是洪武二年定從享禮稱壽春王皇伯考南昌
霍丘下蔡安豐蒙城盱眙臨淮七王爲皇兄寶應
六安來安都梁應山山陽昭信七王爲皇姪壽春
王稱皇高伯祖考寶應七王稱皇曾伯祖考若與
宣宗 英宗兄弟行者誤也鳳陽有十王四妃墓

在白塔陳后二女長太原長公主駙馬都尉王七
一次孝親公主追封隴西長公主駙馬都尉思親
侯李貞岐陽王父也南昌王有女福成公主蒙城
女慶陽公主洪武四年定親王女稱郡主禮官請
降二公主 上念二兄早歿惟二女吾不忍降奪
與祿歲五百石駙馬都尉王克恭黃琛為福建淮
安衛指揮使仍稱駙馬食指揮使俸

懿文太子

懿文太子標母 高皇后元乙未九月生于太平
陳廸家 上為吳王立為王世子從宋濂受經吳

元年年十三矣 上遣世子及弟謁臨濠墓諭曰
世稱商高宗周成王為守成令主高宗舊勞于外
成王早聞無逸之訓皆知小民疾苦故其在位勤
儉不敢驕逸兒生長富貴習於晏安今出旁近郡
縣遊覽山川經歷田野因道途險易以知鞍馬勤
勞觀小民生業以知衣食艱難察民情好惡以知
風俗美惡即祖宗所居訪求父老問吾起兵渡江
時事識之於心以知吾創業不易又命中書省擇
官輔行凡所過郡邑城隍山川之神皆祭少牢過
太平訪廸家賜白金五十兩至泗濠以 上意告

祭祖考妣考妣及兄弟墓是冬從上觀郊壇令左右導之農家徧觀其服食器具又指道旁荆楚曰古用此爲朴刑以其能去風雖傷不殺人古人用心仁厚如此兒念之洪武元年正月立爲皇太子帶刀舍人周宗上書乞教太子上嘉納中書省都督府放元制請以太子爲中書令不許曰吾兒年未長學未充更事未多宜尊禮師傅習經傳博古通今識達機宜他日軍國重務皆令啓聞何必爲中書令乃選勲德老成舊人動有典則及新進之賢者兼領東宮官於是左丞相善長右丞相

達中書平章錄軍國重事遇春兼太子少師少傅少保右都督馮宗異兼右詹事中書平章政事胡廷瑞廖永忠李伯昇兼同知詹事院事中書左右丞趙庸王溥兼副詹事中書叅政楊憲傅瓛兼詹事丞同知大都督康茂才張興祖兼左右率府使僉大都督府事吳楨耿炳文兼左右率府副使御史大夫愈和兼諭德御史中丞基溢兼贊善大夫治書侍御史文原吉范顯祖兼太子賓客諭之曰朕東宮不別設府僚而以卿等兼領者蓋軍旅未

息朕若有事於外必太子監國若設府僚卿等在
內事當啓聞太子或聽斷不明與卿等意見不合
卿等必謂府僚導之嫌隙易生朕所以特置賓客
諭德等官輔成太子德性且選名儒爲之賓客昔
周公教成王克詰戎兵召公教康王張皇六師此
居安慮危不忘武備蓋繼世之君生長富貴泥於
安逸不諳軍旅一有緩急罔知所措二公所言不
可忘也是年 上命選國子生國琦王璞張傑等
十餘人侍讀書禁中琦等入對謹身殿姿狀明秀
應對詳雅 上喜因謂殿中侍御史安慶儒士郭

淵友等曰吾觀諸生於文藝素習矣然與太子處
當端其心術養其德性庶不流於浮靡太子之德
亦當有助因厚賜之未幾以梁貞王儀爲太子賓
客秦鏞盧德明張昌太子諭德先是建大本堂取
古今圖籍充其中徵四方名儒教太子諸王分番
夜直選才俊之士充伴讀 上時時賜宴賦詩商
確古今評論文字無虛日命諸儒作鍾山龍蟠賦
置酒歡甚又自作時雪賦賜東宮官儒官服令三
師賓客諭德朝賀東宮東宮答拜二三年命東宮
及王府官編輯經史古人行事可爲鑒戒者訓諭

太子諸王四年春製大本堂玉記賜太子十年六月令自今政事並啓太子處分後奏聞因諭曰人君治天下一日萬幾自古創業之君歷涉勤勞達人情周物理故處事咸當守成之君生長富貴若非平昔練達少有不繆者故吾特命爾日臨羣臣聽斷諸司啓事以練習國政惟仁不失於踈暴惟明不惑於邪佞惟勤不溺於安逸惟斷不牽於文法凡此皆心爲權度凡人雖有明敏之資自非歷練臨事率意而行未免有失知悔而改亦已晚矣吾自有天下以來未嘗暇逸於諸事務惟恐毫髮

失當以負上天付托之意戴星而朝夜分而寢爾所親見爾能體而行之天下之福吾無憂矣時令儒臣爲太子講大學衍義二十二年置詹事院

上諭吏部侍郎侯庸曰輔導太子必得忠正賢良之士以兵部尚書唐鐸兼詹事二十四年八月勅太子巡撫陝西 上意欲都陝西遣太子相宅也旣行使諭曰爾自幼至長未嘗遠出今命爾巡行陝西方渡江天道赫然有變雷起東南爾征西北以造化言之雷天威也爾前行雷後從威震之兆也然一旬之間久陰不雨占法主陰謀事爾宜慎

舉動節飲食嚴宿衛親君子遠小人務在存仁養性施仁布惠以回天意雷之嘉兆未可恃也爾其慎之比還獻陝西圖遂病病中上言經畧建都事二十五年四月丙子卒 上慟哭命禮官議喪禮戊寅 上御東角門召諭廷臣吾老矣太子不幸命也大哭而退既公除 上不忍禮官請之始鳴鐘鼓朝京耆老上香慟哭 上亦哭諭曰爾念太子意良厚顧農事方興諸父善勤生亟歸勿失時諸未至者諭朕此意八月庚申祔葬孝陵東謚懿文冊曰朕惟先王之典生既有名歿必有謚名所

以彰德謚所以表行故行有大小則謚有重輕此古今通義雖在至親不敢廢也爾皇太子標居位二十有五年分理庶政裨贊弘多今焉永逝特遵古典從公議賜爾謚曰懿文嗚呼德以名彰行因謚顯公論所在朕何敢私建文元年追尊爲孝康皇帝廟號興宗靖難後復稱懿文皇太子太子元配常氏開平王女太子既立 上念王有大功早卒遂冊其女爲皇太子妃先太子數年卒謚懿敬建文君卽位追尊爲孝康皇后靖難後復稱懿敬皇太子妃太子繼妃呂氏生建文君妃父本壽州

人仕元爲元帥府都事丙午歸附爲中書掾史累
官吏禮二部尚書出爲都轉運鹽使終太常卿本
無子洪武中卒建文君卽位尊妃爲皇太后靖難
兵入金川門遣人迓太后太后至 成祖迷不得
已起兵之故太后還未入宮宮中火起建文君遜
去建文四年七月隨其子敷惠王允熾居太子陵

秦王

秦王樸洪武三年年十五受封二十三而之國西
安初聘元河南王王保保女弟繼妃寧河王女也
王生而岐嶷嚴毅英武 上委以關西兵事得專

行賞罰歲秋巡邊大將皆聽節制御軍整肅所過
秋毫無犯未嘗妄戮一人二十七年征降西番賜
璽書賞賚萬計時露宿山野遘疾尋卒在位二十
七年年四十 上命禮部尚書任亨太定喪禮謚
愍愍王六子長尚炳二十八年嗣在位十八年卒
謚隱次永興簡懿王尚烈保安懷僖王尚煜興平
恭簡王尚焯永壽懷簡王尚烜安定王尚炆尚炆
永樂十年坐罪降庶人安置泗州宣德末赦守愍
王墳隱王子四人適子志垣永樂十年嗣在位十
三年卒謚僖無子庶兄志均永樂二十二年以渭

南王進封王請長興侯故宅處諸弟又請選良家
女入宮令擇護士家女酬直勿抑勒在位三年卒
謚懷妃張氏未婚而寡宣德元年令入宮守王服
王無子弟志潔宣德三年以富平王進封王四年
坐罪辭三護衛在位二十八年卒謚康志塚宜川
莊靖王也康王五子長公錫天順二年以秦世子
嗣在位二十九年卒王好文睦族知禮謚惠公鍵
未封卒公銘臨潼惠簡王嘉靖十七年以孫秉機
嗣王追封秦安王公鏜郃陽惠恭王公鏞汧陽端
懿王惠王四子長誠泳成化四年以鎮安王嗣在

位十一年卒王好書崇儉有禮謚簡誠滄誠河誠
淖皆未封簡王無子安王六子誠深嗣臨潼王謚
和僖嘉靖十七年以子秉機嗣王追封秦莊王誠
潤誠浩誠澈誠波誠注皆鎮國將軍莊王二子秉
機以嗣臨潼王弘治十三年進封王在位二年卒
謚昭昭王三子長惟焯正德四年嗣次惟燁次未
名王請潼關以西鳳翔以東河塽地曰 皇祖以
賜臣先王棧也戶部尚書梁材執議曰陝西外供
三鎮內給四王民困已極視國初生產物力千萬
不侔豈得空地更給諸王 上從材言不許王早

失父母育於簡王妃廖氏廖妃卒王喪如禮事其
生母蕭妃孝謹守臣以王謹身修行聞遣勅使持
旌幣旌王嘉靖二十年上黃金千兩白金萬兩助
建宗廟 上喜加祿歲二百石贈玉帶一

晉王

晉王桐年十三受封又七年之國太原已而得罪
廢懿文太子調護得還洪武三十年卒謚恭世子
濟熿嗣靖難後封濟熿弟濟熿平陽王濟炫慶成
王濟熿子美圭封晉世子濟熿狠戾失愛憾其父
并憾濟熿不爲解喉慶成諸王日訴濟熿過於朝

又誘府中官校誣濟熿罪竟奪濟熿爵并廢美圭
爲庶人守恭王園濟熿遂得嗣王益驕橫百方幽
苦濟熿父子恭王有老媪不能平走訴 文皇立
召獄中晉府承奉左徵問之盡知濟熿構濟熿狀
卽釋徵馳驛召濟熿父子時濟熿囚空室已十年
左徵者濟熿嘗言其佐濟熿爲逆逮治京師府中
言徵死久矣徵至一府大驚徵入空室解濟熿縲
紲相抱持大慟濟熿自是怨望出悖語濟熿父子
見 上行在所濟熿病憊甚 上見之惻然不直
濟熿遂封美圭爲平陽王俾奉父居平陽恭王故

有田在連伯灘。文皇與美圭矣。濟熿奪不與美圭聞上。仁宗再三諭濟熿還美圭。不從美圭言。連伯灘地隸平陽。不隸太原。因及曩誣構事。仁宗遣人視灘果隸平陽。又書諭濟熿美圭父子。困頓累年。詩曰。脊令在原。兄弟急難。每用吟詠。感念無已。緬惟賢弟同吾此心。又書諭美圭。朕諭晉王讓汝田。兄弟叔姪本同一氣。姪事叔益恭。愛久當憐。汝濟熿得書。又聞朝廷賜濟熿王冠服。遂廣致妖巫府中造呪事。仁宗崩。又不服喪。宣宗卽位。憐濟熿父子時時問勞。濟熿呪事益露踪。

跡自度罪不可解。遣人結高煦謀不軌。日夜造兵器。寧化王濟煥告變。上曰。勿洩。擒高煦。又得濟熿與交通書。上又曰。勿洩。濟熿固自知益反側不安。其所遣詣高煦人。又走京師。首服內使劉信。又奏濟熿擅取屯糧十萬餘石。給護軍。欲反應高煦。并呪詛事寧化王。又言濟熿毒弑其母。濟熿始懼。辭王爵及護衛。不聽。遺書及勅符。召濟熿至。示以諸所發奸逆狀。濟熿伏地頓首。言臣罪萬死。上書諭諸王去歲高煦反。罪人旣得。奸黨人皆言趙晉二王實與謀。予未忍信。今晉府人累上告變。

徐察之有驗不誣趙王自知事不可掩已辭護衛
濟熿得罪宗社不敢以私親廢大義謹遵祖訓免
爲庶人屏之鳳陽誅其同謀及妖巫數人恭王妃
在晉府者令美圭迎平陽奉養復濟熿晉王卒謚
定美圭正統初嗣王卒謚憲子鍾鉉嗣卒謚莊奇
源世子未嗣卒以孫嗣王贈晉靖王靖王子表
世孫未嗣王卒以子嗣王贈晉懷王懷王子知焯
以世曾孫嗣卒謚 姪新塏以新化王庶長子嗣
王新化王者晉靖王次子表謙也謚恭裕恭裕王
子端和王知燁端和王二子新塏新塏端和王卒

晉王請端和王庶長子新塏嗣新化王未封而晉
王卒無子晉靖王庶子榮澤王表檉與新化諸王
皆晉王叔兄弟也曰嗣王者非新塏卽新塏然皆
幼攝府事則我長晉王妃王氏曰晉王無後次及
新化王新化王父子卒有孫新塏在也卽召入府
拜几筵爲後行喪榮澤王忿我叔父行顧不得王
新塏端和王長子長子不得爲人後新塏宜嗣新
化王新塏嗣晉王禮也疏下禮部議新塏宜嗣晉
王俟服闋請封又言制親王絕郡王以序繼親王
爵其郡王不得復請繼封次子止封鎮國將軍新

典得嗣晉王贈父晉康王

周王

周王橐秦晉二王皆 高皇后子周王育於孫貴妃妃卒服以慈母斬三年主喪事洪武三年封吳王國錢塘工部尚書張允請建諸王府 上曰吳府且勿建七年置杭州護衛 上以浙江財賦地不可封王罷護衛十一年改封周王國開封卽宋故宫爲府二十二年王棄其國來鳳陽遷之雲南未行原還國建文中人告王反建文君命曹國公卽訊景隆大索金寶王不能應坐王反王懼遂竄

雲南諸子並別流放已而召還南京靖難兵入金川門王與齊王見 成祖且拜且哭因並轡行登樓相慰又哭遂得復封王加祿五千石以開封圮於河改建邸洛陽已而又還開封封其長子有燉爲周世子有勲汝南王有烜順陽王有燁祥符王有熿新安王有光永寧王有煇汝陽王有燿鎮平王有焮宜陽王永樂二年來朝獻騶虞八年請祀太祖國中 上書諭支子不得祭 太祖王國祖始封之君不許已而數有過 上輒赦不問有告王反者遣都御史王彰諭意王大懼 上還護衛

仁宗卽位加祿五千石通前一萬石卒謚定子有燉嗣宣德元年王請詣闕謝諸弟封不許止弟汝南王有勲數誣王 上爲書諭王先是有勲與有熹素惡有燮爲與趙王書刻祥符王印記封識置彰德城外道傍都指揮王友得書聞上 宣宗疑有離間逮友訊無迹召有燮至曰必有勲也爲此書者又召有勲訊服詞連有熹有勲志行故不減少與高煦善建文中嘗告父定王反定王竟囚繫除國靖難後始釋遂乞誅有勲 上遣有勲去雲南居大理後定王老始歸河南有熹喜生食人腦

肝膽薄暮每伺人過門輒誘入殺而食之以故其邸前日未晡卽斷行跡 宣宗惡有勲有熹免爲庶人留有熹居京師已復爵有燉卒謚憲弟祥符王有燮嗣景泰三年卒謚簡子世子子屋嗣卒謚靖無子弟通許王子墜嗣卒謚懿子同鏞嗣卒謚惠子安潢世子卒以子睦樞嗣贈周悼王睦樞卒謚恭世子勤熄未嗣卒世孫朝垌迎駕加祿歲三百石贈金幣嘉靖十八年嗣王二十一年巡撫魏有本上言河南諸宗人缺祿米三百萬石諸將軍安瀕等五百人譁推行臺門凌逼撫臣安瀕坐革

爲庶人二十一年王及宗人獻白金六千兩助修太廟賜玉帶一圍衣一稱

楚王

楚王楨母胡克妃甲辰年生七年而封國武昌永樂元年世子孟烷市人河南諭世子世子來朝請葺府邸諭俟有年三年王出鐵牌開武昌城門都司聞上不許卒謚昭孟烷嗣宣德元年發楚魯二王護兵各千人征安南王請湖廣都司給護兵兵器五年有告王者乞減護衛三之二王宮火焚譜系符勅更給之卒謚莊子季塊嗣卒謚康弟

季叔嗣卒謚憲子均鉞嗣卒謚靖子榮滅正德七年嗣在位二十三年卒謚端子顯榕嘉靖元年以長樂王封世子十四年嗣子英耀十六年以世孫封世子嗣王

齊庶人

齊庶人樽洪武三年封青州府十五年上令出獵開平且備胡二十四年春勅再出開平時潁國公傅友德總兵諭勿相叅奏凱勿矜功八月秋高水冷回京建文時有告變者召至京廢爲庶人時周王已削爵與樽皆繫禁靖難兵至急遣兵衛二

王二王不知靖難兵也大怖伏地哭已知之乃大喜曰吾屬幸不死矣永樂改元復封又封其子賢烜爲樂安王賢峻長山王賢寔平原王棹之國驕縱上輒書諭戒來朝又面諭棹曰無忘患難時棹益自疑陰蓄亡命養刺客僭帝號爲呪詛輒用護衛兵守青州府城北門自廣智門外接園苑築墻截往來守吏不得登城夜巡李珙曾名深等上變告棹匿其人滅口三年賜書索珙諭棹改過是月周王橚上書悔罪上封橚書示棹明年來朝面謝廷臣劾棹罪請論如法棹厲聲曰奸臣喋喋

無乃效建文時殺我會當盡斫此輩上聞之益怒留棹京邸奪其護衛指揮柴真等伏誅罷遣罪斥府諸寮盡出王繫囚及諸造不法械器羣臣又請罪教授葉垣等上曰齊王凶悖縱恣性習使然朕與王君臣兄弟出之囹圄寵以祿爵恩禮渥洽誠心溫詞開諭至六七不悛教授輩奈王何況垣等皆先自歸發其事可勿論棹留京益有怨言乃召其子至京父子並奪爵妃吳氏先卒葬青州宣德三年福建妄男子樓濂詭稱七府小齊王建陽人製王冠服謀不軌縣發其事械至京誅數百

人樽及賢熒三子暴卒景泰五年五月勅南京守備叅贊齊庶人谷庶人安置廬州者移置南京慎防之時齊庶人賢赫樽少子也尚幼谷庶人絕而齊庶人請得谷庶人第嘉靖十三年釋高墻庶人長鑿者樽曾孫也

潭王

潭王梓母達定妃洪武二年纔二歲受封封十五年之國王幼聰敏好學善屬文嘗召府中儒臣設醴賦詩爲品高下出邸中貲爲賞洪武二十三年妃與民家坐事王不自安上遣使慰諭且召王

入見王大懼與妃自焚死無子國除

趙王

趙王杞洪武二年生明年四月封趙王封之日秦晉燕吳楚五王升殿受冊寶齊潭趙魯四王幼內宮保抱抱四王就位保抱受冊寶也又明年杞卒

魯王

魯王檀母郭寧妃其妃湯信公女王生兩月而封洪武十八年之國交州幼聰敏好文學善詩歌好餌金石藥二十二年發病卒命禮部尚書李原名議喪禮上曰父子天性謚法公義朕不得以私

恩廢公義可謚荒子肇輝永樂元年嗣王宣德初
上言長史鄭昭賢而老請致仕 上諭蹇義曰魯
王賢禮士宜如請宣德九年卒謚靖子泰堪成化
三年嗣九年卒謚惠子陽鑄成化十二年嗣嘉靖
十二年謚莊世子當澗早卒嘉靖十三年以孫觀
焯嗣王贈魯懷王懷王子徕棧封世孫早卒以子
觀焯王贈魯悼王

皇明同姓諸王傳第一卷

子履準校

孫心材重校



